

2 Pita

Pita beleŋ asaŋ tebaŋ kayyiŋ

1 ¹Be, nebe Saimon Pita, Yesu Kristuyen meten al, irde mere basan almin. Ne beleŋ deŋ Yesu Kristu niŋ dufaytiŋ tareŋ irtiŋ mar hitte asaŋ gago kaŋ hime. Yesu Kristu niŋ dufaytiŋ tareŋ irtiŋ haŋ gobe Al Kurun diliŋde igiŋ wor po, neŋ wor gwahade po titiriŋ. Dufaytiŋ yeŋ ge saŋiŋ iramiŋ gobe Al Kurunniŋiŋya Dumulgaŋ teŋ teŋ Al Yesu Kristuya beleŋ al huwak yird yird tareŋde gogo tiyamiŋ.

²Be, Al Kurunya Doyaŋ Al Kurunniŋiŋ Yesuya nurd yuneŋ awalikde hikeb yeŋ beleŋ buniŋeŋ dirde igiŋ igiŋ dirde bitiŋ yisikamke igiŋ wor po hiwoŋ yeŋ gusuŋaŋ yirde hime.

Al Kurun beleŋ hoy diriŋ go po gama irde hinayiŋ

³Be, Al Kurunbe tareŋmiŋ kurun wor po geb, neŋ gayen megen gar heŋya Al Kurun palap irtek mata teŋ teŋ niŋ teŋ saŋiŋmiŋ kurun goyen dunyiŋ. Tareŋmiŋ dunyiŋ gobe neŋ beleŋ yeŋ nurd uneŋ awalikde hitekeb gogo dunyiŋ. Yeŋbe tareŋmiŋ turun yaŋ wor po, irde al igiŋ wor po geb gogo hoy diriŋ. ⁴Yeŋbe gwaha matbe detmiŋ kame duneŋ yeŋ bikkeŋ biŋa tiyyiŋ goyen dunyiŋ. Gogab go hende tareŋ heŋbe megen niŋ dufay al bulun yirtek saŋiŋ bana mat busahardeb Al Kurunbe mata bulun miŋmoŋ wukkeŋ wor po gwahade goyen po, neŋ wor gwahade po hitek.

⁵Ningeb goke teŋbe Al Kurun niŋ dufaytiŋ tareŋ irde heŋyabe mata igiŋ teŋ hinayiŋ. Irde mata igiŋ teŋ heŋyabe Al Kurun nurd uneŋbe yeŋya awalik heŋ hinayiŋ. ⁶Irde gwaha teŋ heŋyabe uliŋde po amaŋ hetek dufay fole ird ird matatiŋ tareŋ irde hinayiŋ. Irde gwaha teŋ heŋyabe kanduk forok yeke mukku ma teŋ goya goya saŋiŋ po meten teŋ hinayiŋ. Irde gwaha teŋ heŋyabe Al Kurun palap irtek mata tareŋ po teŋ hinayiŋ. ⁷Irde Al Kurun palap irtek mata tareŋ po teŋ heŋyabe Yesu Kristu nurd uneŋ kadtiŋ hitiŋ mar wor dadatiŋya koltiŋya igiŋ igiŋ yirtiŋ yara yirde yeŋ ge amaŋeŋ nurd yuneŋ hinayiŋ. ⁸Mata gwahade gobe deŋ beleŋ titek mata. Ningeb mata gwahade goyen deŋ hitte kurun po hiyeŋbe mata

gore faran durkeb Doyan Al Kuruninin Yesu Kristu nurd unen yenya awalikde hen hen goyen metenen ma diryen, irde gote iginen minyan henayin. ⁹Goyenpoga al kura mata igin goyen ma ten han mar gobe kamemin ge ma nurdeb gogo ten han. Irde diliñ titmin yara Al Kurunyen mere bebak ma tenbe mata bulunmin bikkek Al Kurun belen halde yunen pasi hirin goyen bin sir yekeb gogo mata igin goyen ma ten han.

¹⁰Ningeb, kadne yago, Al Kurun belen basina dirde hoy diryin goyen min minmon hiyyenkek geb, hoy dirtin bana kenkela hen hen nin kurut wor po yen hinayin. Gwaha ten hinayinbe go ma katnayin. ¹¹Irde Dumulgan ten ten Al Yesu Kristu, Doyan Al Kuruninin belen alya bereyamin huginen doyan yird yird bana gon hurkukeb gargar wor po diryen.

¹²Ningeb mehen saba dirhem goyen huginen momon dirde himeke bitin bak yen hiyen. Denbe saba goyen nurde han, irde Al Kurunyen mere fudinde den bana hi go hende sanin po huwarde han goyenbe, huginen bebak dirde hen. ¹³Nebe himeya gayen saba den belen nurde ep hitin goyen sopte dinmeke bitin bak yen hiyen go gab igin yen nurde hime. ¹⁴Fudinde, nebe hen ga ma kameñ goyen Doyan Al Kuruninin Yesu Kristu belen kenkelak po momon nirun geb gago dinen hime. ¹⁵Ningeb ne kamde dubul tiyenya goyenbe daha wor saba dirde hime kurun gayen bitin sir ma yeke huginen nurde hiwon yenbe kurut wor po yen hen.

Yesu Kristuyen taren turun yan wor po kintirin

¹⁶Be, nen belen Doyan Al Kuruninin Yesu Kristuyen tarenminya mulgan hen wan wanya goyen goke momon dirtirinyabe usi baran kura al nurde fudinde yen nurtek goyen ma momon dirtirin. Nenbe saninmin kurun goyen dilynin bilminde wor po kintirin. ¹⁷Al Kurunyen taren turun yan wor pore mat al melak kura forok yenbe gaha yirin: “Gabe Urne, bubulkunne wor po. Yen ge amanen nurde hime,” yirin. Be, Nanin Al Kurun belen gwaha mat turun irde denem isan hiriya goyenbe nenbe gor hinhet. ¹⁸Nenbe Al Kurun belen mata go forok ire yen dugu wukkek iryinde gor Yesu Kristuya tumnan hitekeya mere goyen naninde mat forok yeke nindiken wor po nurtirin.

¹⁹Ningeb gor mat nenbe Al Kurunyen mere basan mar porofet belen tagalamin mere goyen fudinde wor po yen nurde hityen. Ningeb den wor meremin goyen taren po tanarde hinayin. Meremin gobe hulsi belen kidoma bana melak hen agat urde hiyen go gwahade yara, saba daminbe fudinde goyen bebak dirde hiyen. Goyenbe nana fay ureñ ten hikeya bayfon wan hiyen go gwahade yara, kame Yesu Kristu wayyen goyenterbe den tumnan bitin bana mat Al Kurunbe al gwahade yen kenkela bebak ten wuk wor po yenayin. ²⁰Goyenbe mere kurun wor po kura momon diren tihim. Mere gobe gahade: Al Kurunyen asande

mere basanj marminj porofet belej mere tagalaminj gobe mere porofet yingenj dufayde kayaminj yenj ma nurde hinayinj. ²¹Al Kurunj belej porofetminj yinke tagalaminj gobe alyen dufayde ma tagalaminj. Gwaha titjenjbe Al Kurunj belej mere yunke gab Holu Spirityen sanjinde basanj hej tagalaminj.

Usi porofet

2 ¹Goyenpoga usi porofet goyen Israel mar bana hinhan. Ningeb gwahade goyen po, kame wor denj hanj bana goyen usi saba mar kura forok yenayinj yenj nurde hime. Usi saba mar gobe al belej sabaminj nurde gama yirke Al Kurunj belej gwamunj yurtek saba goyen balminj po saba dirde hinayinj. Irde mata bulunminj ge tenj kamtek hinhan goyen Doyanj Al Kurunj tareminj kurunj wor po gore mel gote gasunj tenj darim wok irde kamde yumulganj tiyyinj goyen wor fudinde yenj ma nurde harhok unnayinj. Mel gobe mata gwahade tenjbe yingenj Al Kurunj belej aranjew gwamunj yurtek bana po kunayinj. ²Irkeb al budam mel gote mataminj memyak goyen gama irde hinayinj. Irkeb al hoyanj belej yenenjbe mata fudinde tenj tenj belnenj goyen sukal irde hinayinj. ³Usi saba mar gobe horaya denjem kurunj hej henja ninj po nurdeb denj goyen mereminj gama irwonj yenjbe usi baranj yingenj forok yirde momonj dirde hinayinj. Goyenbe mel gote mata bulunj goke bikkenj Al Kurunj belej merem yanj yirde gwamunj yurenj yenj dufayminj kiryinj gobe hubu ma hirinj, hi geb.

⁴Be, Al Kurunjbe miyonminj belej mata bulunj tikeb yenenj wasak ma tenjbe yakira tenj ulinj misinj kurunj katenj katenj gasunj bulunj bana yimiyinj. Irkeb kidoma kafuram bana gonj po hej Al Kurunj belej merem yanj yiryen nalu goke po doyanj hej hanj. ⁵Be, bikkenj wor po Noa hinhin goyenter ninj alya bereya belej Al Kurunj palap irtek mata ma tenj bulunj tenj hikeb yenenj wasak ma tenjbe fe ala kurunj forok irde gwamunj yuryinj. Gega mata huwak ninj tagalde hinhin al Noaya dirinminjminj 7 goya po yawarkeb go ma kamaminj. ⁶Irde Al Kurunjbe Sodomya Gomoraya taunde ninj marte mata bulunj goke merem yanj yirde kak belej kumga yirke humga kunj pasi haminj. Al Kurunjbe yenj palap irtek mata ma tenj hinayinj marbe bulunj gwahade po yirenj yenj al yikala yiryinj. ⁷Goyenbe Al Kurunjen saba walde hinhan mar goyen kahal bana henja go mar gote mata bulunminj ge kanduknenj nurde hinhin al kura Lotbe al huwak ningeb, Al Kurunj belej taun go kumga tiye yenjbe Lot goyen tenj sinj iryinj. ⁸Al huwak Lot gobe Al Kurunjen saba walde hinhan mar kahal bana hej mataminj go yenenj huginenj dufayminjde kanduknenj wor po nurde hinhin.

⁹Be, gwahade goyen po, Doyanj Al Kurunjbe yenj palap irtek mata tenj hanj mar goyen gwaha mat gwaha mat kanduk bana mat yad sinj yirenj

yeŋ keŋkela nurde hi. Irde mata buluŋ teŋ haŋ mar goyen nalu funaŋde merem yaŋ yird yird goke doyaŋ heŋyabe daha mat mel goyen mata buluŋ gote kanduk bana po yereŋ goyen wor keŋkela nurde hi. ¹⁰Al Kuruŋ beleŋ go yiryeŋ gobe megen niŋ dufay gama irde uliŋde amaŋ hetek mata buluŋ teŋ haŋ marya Al Kuruŋ beleŋ doyaŋ mar yirtiŋ gote mere pel irde haŋ marya goyen fudinde wor po gwaha yiryeŋ.

Be, usi saba mar gobe tonanŋ tareŋ, irde neŋ nurhet nurhet teŋ haŋyen. Irde det biŋfut miŋyaŋ Al Kurunyen gasuŋde niŋ goyen mere buluŋ mat yird yird niŋ muŋ kura ma kafura heŋ haŋyen. ¹¹Doyaŋ Al Kurunyen miyoŋbe saŋiŋmiŋ kurun, irde deŋem yaŋ wor po, usi saba mar gote tareŋ folek gega, Al Kurun diliŋ mar huwarde det biŋfut miŋyaŋ goyen mere buluŋ mat yirde merem yaŋ ma yirde haŋyen. ¹²Goyenpoga usi saba mar gobe det kura goke keŋkela bebak ma tenya det goke buluŋ mat tagalde haŋ. Go mar gobe kulu duwi dufay miŋmoŋ, irde uliŋde mata po gama irde haŋyen. Irke al beleŋ yad gasa yirke kamtek haŋyen gwahade yara geb, Al Kurun beleŋ gwamuŋ yuryeŋ.

¹³Go mar gobe al hoyan buluŋ yirtiŋ gote muruŋgem goyen teŋ yingeŋ buluŋ henayiŋ. Yeŋbe uliŋde po amaŋ hetek mata buluŋ goyen teŋ teŋ niŋ amaŋeŋ nurdeb naŋkahalde al diliŋ mar kawan po mata go teŋ haŋyen. Mel goreb deŋ gabu irde dula teŋ haŋyende waŋ uliŋde po amaŋ hetek mata po teŋ hikeb deŋtiŋ buluŋ heŋ hiyen. ¹⁴Irde bere hoyanya duwan teŋ teŋ niŋ nurde bere niŋ po naŋkenenŋbe mata buluŋ teŋ teŋ goyen bada ma heŋ haŋyen. Irde Al Kurunyen mere hende tareŋ wor po ma hitiŋ mar goyen usi yirde haŋyen. Irde hora yad yad niŋ po dufay heŋ haŋyen. Niŋgeb go mar gobe Al Kurunyen karan bana goŋ haŋ. ¹⁵Mel gobe mata huwak teŋ teŋ beleŋ tubul teŋbe soŋ heŋ Beor urmiŋ Balamyen mata gama irde haŋ. Balam gobe uŋgura doloŋ yirde meremiŋ basaŋ heŋ al momoŋ yirde hiyen al geb, hora teŋ teŋ niŋ po nurdeb mata buluŋ teŋ teŋ belneŋ gama iryiŋ. ¹⁶Balambe mata buluŋ teŋ teŋ beleŋ gama irde kukeb al gote doŋki epte ma mere titek gore al mere titneŋ teŋ yewek gote mata buluŋ goke ineŋ tiyyiŋ. Irkeb al gobe matamiŋ kukuwameŋ goyen bada hiriŋ.

¹⁷Usi saba mar gobe fe diliŋ kura fe miŋmoŋ go gwahade yara. Irde kigariŋ kateŋ tiya yeŋ kenteŋ gega, meŋe huwarke bur yiyyeŋ go gwahade yara haŋ. Niŋgeb mel gobe al gwaha gwaha dirtek yineŋ biŋa teŋ haŋyen gega, meremiŋ gote igineŋ kura ma forok irde haŋyen. Niŋgeb go mar gobe Al Kurun beleŋ buluŋ wor po yirke gote muruŋgem kanduk kurun kidoma saŋiŋ bana po haŋ yara hinayiŋ. ¹⁸Usi saba mar gote merebe miŋ miŋmoŋ, yingeŋ turuŋ yird yird mere po teŋ haŋyen. Irde megen niŋ dufay buluŋ uliŋde hapek nurtek mata goyen gayamuŋ ga yubul titiŋ mar goyen sopte biŋ yade mata buluŋ goyenter yukuŋ haŋyen. ¹⁹Usi saba mar yingeŋbe mata buluŋ gote yufuk bana po heŋ mata go epte ma yubul titek

haŋ gega, gwahade haŋ goyen bana kerdeb al hoyan usi yirdeb, “Neŋbe Al Kurun dirneŋ weŋ geb, megen niŋ matabe bulun mon, igiŋ ala teŋ hitek,” yinen hanŋyen. Al kura, al kurate yufukde hiyeŋbe al gote meten al hiyyen. Niŋgeb usi saba mar gobe mata bulunyen yufukde haŋ. ²⁰Fudinde, mel gobe Dumulgaŋ teŋ teŋ Al Yesu Kristu, Doyaŋ Al Kurunniŋ goyen nurd unen awalikde heŋbe megen niŋ mata bulun yubul tiyamiŋ gega, sopte mata bulunde kateŋ go bana heŋ go po gama irde hinayiŋbe bulun wor po henayiŋ. Haŋkapy Yesu Kristu ma nurd unen hinhan goyenter teŋ hinhan mata goyen fole irde mata bulun wor po bana kunayiŋ. ²¹Al gwahade gobe huwak heŋ heŋ mata go ma nuramiŋ manhan Al Kurunyen mere wukken goyen nurde gama irde gab harhok unnayiŋ mar beleŋ murun gem bulun tetek goyen ma tewon. ²²Al gwahade goke saba dirtiŋ gobe fudinde. Saba gobe gahade: “Kulu kura mor yitiŋ goyen sopte nene hi,” irde “Bu kura fe gemde untiŋ goyen sopte wona galun heŋ hi,” yitiŋ hi.

Doyaŋ Al Kurun waŋ waŋ nalu

3 ¹Be, kadne yago, asaŋ ga kaŋ hime gabe meheŋde kamiriŋ goyen basaŋ heŋ gago sopte kaŋ hime. Asaŋ meheŋde kamiriŋ goya ga kaŋ hime gayabe dufay igiŋ heŋ hinayiŋ dinmeke bitiŋ bak yiyyen yeŋbe gago kaŋ hime. ²Niŋgeb deŋ goyen bikkeŋ porofet Al Kurunyen diliŋde wukkek gore mere tagalamiŋ goya Dumulgaŋ teŋ teŋ Al Yesu Kristu, Doyaŋ Al Kurunniŋ gore mere tareŋ po yitiŋ goyen mere basaŋ marmiŋ aposel beleŋ dinamiŋ goya goke sopte dufay hewon yeŋ nurde hime.

³Niŋgeb mere direŋ tihim gabe det kurun wor po geb, ga wa keŋkela nurde bebak teŋ hinayiŋ. Merebe gahade: nalu funaŋ beleŋ heŋ hikeb deŋ beleŋ Yesu Kristu waŋ waŋ niŋ doyaŋ heŋ haŋ goke hinmaŋ faykek dirde hinayiŋ. Mel gobe hinmaŋ faykek dirdeb megen niŋ dufay bulun po gama irde hinayiŋ. ⁴Mel go gwaha dirde heŋyabe, “Yesu beleŋ sopte wayen yeŋ biŋa tiyyiŋ gobe daha naŋa forok yiyyen? Hubu wor po. Adoniniŋ yago kamamiŋde mat waŋ waŋ gayenter wor hityen gwahade po hite. Haŋkapy wor po det kurun gayen forok yamiŋ gayen wor gwahade po haŋ,” diniŋ hinayiŋ. ⁵Goyenbe go mar gobe haŋkapy wor po Al Kurun beleŋ mohonde po yeke naŋkiŋ forok yiriŋ, irde fe bana mat megeŋ forok irde fe beleŋ po megeŋ milgu iryiŋ goyen nurd nurd ga pel irde biŋ sir yeŋ haŋ. ⁶Al Kurun beleŋ fe go po teŋbe fe ala kurun irde alya bereya megen hinhan mar goyen gwamuŋ yuryiŋ goyen wor mel gobe biŋ sir yeŋ haŋ. ⁷Al Kurunbe naŋkiŋya megeŋya mohonde po yeke forok yitiŋ gwahade po, mohonde po yeke naŋkiŋya megeŋya gobe gwahade har. Goyenbe gwahade heŋ heŋbe nalu funandeŋ Al Kurun beleŋ naŋkiŋya megeŋya kunga tiyyen. Al Kurun palap irtek mata ma teŋ haŋ mar goyen merem yaŋ yirde gwamuŋ yuryen nalu goyen forok ma yekeya naŋkiŋya megeŋyabe gwahade po hiriryen.

⁸Goyenpoga, kadne yago, nalu niŋ yeŋ hime gate miŋ niŋ momoŋ direŋ tihim gayen bitiŋ sir ma yiyyeŋ. Merebe gahade: Doyaŋ Al Kuruŋ hittebe naŋa fay unŋkureŋbe dama 1,000 yeŋ keneŋ hiyen. Irde dama 1,000 gobe naŋa fay unŋkureŋ yeŋ keneŋ hiyen. ⁹Niŋgeb al kura beleŋ yeŋ haŋyen gwahade goyen po, Doyaŋ Al Kuruŋ beleŋ biŋa tiyyiŋ goyen gote igineŋ forok yirtek gobe mosoyŋeŋ ma tiyyeŋ. Gega yeŋbe al kura buluŋde ma kuyeŋ, tumŋaŋ yeŋ ge biŋ mulgaŋ heŋ mata buluŋ yubul tinayiŋ yeŋ nurde hi geb, megeŋ ga kumga teŋ teŋ niŋ bemel bemel ma teŋ hi.

¹⁰Goyenpoga Doyaŋ Al Kuruŋ waŋ waŋ nalu funaŋ gobe kawe al beleŋ nalu goyenter wayyeŋ yeŋ ma nurde hikeya waŋ haŋyen go gwahade po wayyeŋ. Goyenterbe naŋkiŋbe migiriŋ kuruŋ wor po teŋbe hubu hiyyeŋ. Irde bana goŋ haŋ det kuruŋ gobe tumŋaŋ kak beleŋ kumga tiyyeŋ. Irke megeŋya det kuruŋ haŋ gayen humga kuŋ hubu henayiŋ.

¹¹Be, det kuruŋ gobe gwaha mat hubu henayiŋ geb, deŋbe daha tinayiŋ? Deŋbe mata huwak Al Kuruŋ palap irtek mata goyen po teŋ hinayiŋ. ¹²Deŋbe Al Kuruŋ beleŋ megeŋya naŋkiŋya kumga tiyyeŋ nalu funaŋ goyen goke doyaŋ heŋya nalu goyen bindere wer ird ird niŋ kurut yeŋ heŋyabe Al Kuruŋ palap irtek mata huwak goyen po teŋ hinayiŋ. Nalu funaŋ goyenterbe naŋkiŋbe humga kuŋ pasi hiyyeŋ. Irde bana goŋ niŋ det tumŋaŋ kak gore yirke fe yara henayiŋ. ¹³Goyenpoga neŋbe Al Kuruŋ beleŋ neŋ hitte biŋa tiyyiŋ goyen tareŋ po tanarde heŋbe naŋkiŋya megeŋya gergeŋ wor po forok yiriryen goyen goke doyaŋ heŋ hite. Naŋkiŋya megeŋya gergeŋ yiryen gobe Al Kuruŋ diliŋde al huwak henayiŋ mar beleŋ hitek gasuŋbe gogo.

¹⁴Niŋgeb, kadne yago, deŋ beleŋ mata goyen forok yeŋ yeŋ ge doyaŋ heŋ haŋyen geb, mata buluŋ ma teŋ ultiŋde merem moŋ heŋ bitiŋ kamke kadtiŋya awalikde heŋ heŋ ge kurut wor po yeŋ hinayiŋ. Irkeb gwaha teŋ hinayiŋ goyen yeŋ beleŋ dinyeŋ. ¹⁵Irde Doyaŋ Al Kuruŋniŋ beleŋ naŋkiŋya megeŋya gwamuŋ yurd yurd goke bemel bemel ma teŋ hi gobe alya bereya yeŋ hitte mulgaŋ heŋ heŋ niŋ doyaŋ heŋbe gogo teŋ hi yeŋ nurde hinayiŋ. Ne dineŋ hime gabe kadne Pol wor Al Kuruŋ beleŋ dufay wukkeŋ unkeŋ gogo kaŋ dunyiŋ. ¹⁶Nalu funaŋ niŋ asaŋde kaŋ hiyen kuruŋ gobe ne beleŋ dineŋ hime mere miŋ unŋkureŋ goke po katiŋ. Goyenbe mere kura asaŋmiŋde haŋ gobe bebaŋ teŋ teŋmiŋ meteneŋ geb, Al Kuruŋyen mere keŋkela ma nurde go hende saŋiŋ ma huwarde haŋ marbe soŋ heŋ kukuwam mat nurde haŋyen. Mel gobe Al Kuruŋyen mere hoyaŋ wor gwahade po soŋ heŋbe Al Kuruŋ beleŋ buluŋ yirtek bana goŋ kateŋ haŋyen.

¹⁷Niŋgeb, kadne yago, deŋbe saba gayen bikkeŋ nurde bebaŋ titiŋ haŋ geb, keŋkela heŋ ga hinayiŋ. Gogab Al Kuruŋyen saba walde haŋ mar beleŋ epte ma iŋgogaha dirkeb tareŋ po huwardeb go ma katnayiŋ.

¹⁸Ningeb Doyan Al Kurun belen buniŋen dirde igin igin dird dird bana heŋbe Dumulgan ten ten Al Yesu Kristu nurd unen yenya awalikde hinayin. Irdeb go bana po heŋ meremin gama ird ird matare parguwak yara heŋ ga hinayin. Deŋembe haŋkaya kameya manan huginŋen turŋun yan wor po hiyen! Fudinde wor po.